

Officia archidiœcesis et civitatis Mechliniensis, affixa certis dominicis, scilicet s. Liberti M.; ss. reliquiarum, patrocinii B. M. V. et translationis s. Rumoldi ex speciali indulto (1) transferri possunt juxta rubricas ad primos insequentis dies liberos. Item festum relationis et recollectionis reliquiarum s. Rumoldi dominica infra octavam principalis festi s. Rumoldi, occurrente officio potioris ritus vel majoris dignitatis seu solemnitatis, tanquam in sede propria transferri valet quinto Nonas Julii (2).

Officia mysteriorum et instrumentorum dominicæ passionis, quæ in pluribus locis infra hebdomadas post septuagesimam et tempore quadragesimali celebrantur, sine speciali facultate transferri nequeunt, et si facultas transferendi concessa sit, numquam tamen ultra quadragesimam transferri possunt, etiamsi nulla reperiaturs dies libera ante quadragesimæ finem (3).

DE OFFICIIS VOTIVIS SS. SACRAMENTI, CONCEPTIONIS B. M. V.
ET ALIIS.

Notandum. Numeris sequentibus, a n. 288 ad n. 291 inclusive, agitur de officiis votivis speciali privilegio concessis; ast n. 292 agitur de officiis votivis per annum, quæ persolvere loco officiorum ferialium indultum est per decretum Urbis et Orbis, diei 5 Julii 1883.

288. Officia votiva, quæ semel aut pluries in singulis hebdomadis aut mensibus ex speciali recitantur privilegio, olim sæpius concessa sunt, scilicet de ss. Sacramento singulis feriis quintis, de conceptione B. M. V. in sabbatis, de s. patrono, de fundatore ordinis etc.; sed per generalia decreta (4) statutum est "quod in posterum hujusmodi officia" votiva amplius non recipiantur. "

(1) S. R. C. 22 Maji 1841.

(2) S. R. C. 27 Jul. 1842. Hæc duo indulta, ommissa in collect. Gardellini habentur in directorio archid. Mechl. 1842, p. 94, et 1843 in fine.

(3) S. R. C. 11 Sept. 1847, n. 4953-5114, 3 et 4; 15 Sept. 1881, n. 5826, 2.

(4) 7 Jul. 1753, n. 4085-4234, et 11 Maji 1816, n. 4367-4517.

289. Hæc officia votiva, si in feria assignata impediatur, in aliam feriam transferri nequeunt, quia non sunt de præcepto sed ad libitum (1), et affixa certis feriis, qualia officia non transferuntur, sed simpliciter omittuntur, si impediatur.

Quamvis autem sint ad libitum, clerici tamen, qui ad horas canonicas obligantur, tenentur recitare officia votiva, ex indulto Apostolico concessa, si jussu ordinarii in calendario diebus non impeditis apponantur (2).

290. Dies impediti pro his officiis votivis, etiam duplicibus, concessis pro diebus non impeditis aliquo festo duplici vel semiduplici, sunt omnes: 1° in quibus occurrit officium quodcumque 9 lectionum, scilicet festum duplex, et semiduplex etiam translatum, dies octava, et dies infra quamcumque octavam; et 2° feriæ adventus, quadragesimæ, quatuor temporum, vigiliarum sive cum sive absque jejuniis, feria secunda rogationum, item illa feria, in quam officium dominicæ anticipatæ secundum rubricas est reponendum, etiamsi de his diebus nulla sit facta specialis mentio in aliquibus officiorum concessionibus, juxta decretum generale (3), quod etiam servandum est in casu, quo habetur consuetudo contraria aut concessio anterior (4), et licet officium votivum per totam hebdomadam aut mensem impediatur (5). 3° Officium votivum pro singulis mensibus concessum, pariter omittendum est in illis mensibus, in quibus de eodem officio de præcepto recitatur (6). 4° Si officium votivum occurrat in feria, in qua festum ad libitum similiter occurrit; liberum est offi-

(1) S. R. C. 17 Junii 1679, n. 2747-2896.

(2) S. R. C. 23 Maji 1835, n. 4597-4746, 10.

(3) 20 Mart. 1706, n. 3592-3741, ut etiam habetur initio brev.; item 7 Sept. 1680, n. 2779-2928, 6; 1 Oct. 1740, n. 3953-4102, 3; Cavalieri tom. 2, dec. 188.

(4) S. R. C. 17 Maji 1760, n. 4142-4291; 13 Sept. 1760, n. 4147-4296; 16 Feb. 1781, n. 4252-4401, 12 et 14; 27 Feb. 1847, n. 4935-5088; 20 Dec. 1864, n. 5340 et 5344.

(5) S. R. C. 10 Junii 1690, n. 3073-3222, 2, et 1 Oct. 1740, n. 3953-4102, 3.

(6) S. R. C. 5 Oct. 1697, n. 3297-3446, et 15 Sept. 1815, n. 4366-4516, 5.

cium ad libitum omittere et votivum recitare, vel votivum omittere et illud ad libitum recitare, ut dictum est n. 284. 5° Si duo officia votiva occurrant, fieri debet de officio speciali seu magis particulari (1).

Not. licet officia votiva in adventu locum non habeant, si tamen occurrant in sabbato ante adventum, vespervas fieri ac si non esset adventus (2).

291. Quomodo officium votivum sit recitandum, an ut in die festo, an de communi; an lectiones 2 et 3 nocturni semper legendæ sint de die festivitatis, an ut infra octavam; cognoscendum est ex decreto concessionis (3). Sic juxta plura decreta (4) lectiones officiorum votivorum, de quibus in illis decretis agitur, semper recitandæ sunt prout in die festivitatis; et contra juxta aliud decretum (5) diversæ pro varia mense leguntur, prout etiam in breviario Romano Romæ edito in typographia Salviucci 1843 et 1857 pro officio votivo ss. Sacramenti et in officio immaculatæ Conceptionis B. M. V. approbato 27 Aug. 1863, lectiones octavæ per menses vel tempus disponuntur.

Officium votivum ss. Sacramenti recitandum est ut in die solemnitatis Corporis Christi, exceptis sequentibus: 1° lectiones 1 nocturni dicuntur de Scriptura occurrente, et 2 atque 3 nocturni, ut jam dictum est, recitantur ut infra octavam ss. Sacramenti, prout in fine breviariorum disponuntur. 2° Non omittitur nona lectio simplicis occurrentis (6). 3° Missa dicitur votiva quæ ponitur in fine missalis, cum *Gloria* et orationibus tempori congruentibus, sed sine *Credo* et sine sequentia (7). 4° *Alleluja* extra tempus paschale

(1) S. R. C. 6 Feb. 1858, n. 5256, 2.

(2) S. R. C. 12 Sept. 1857, n. 5251, 13.

(3) S. R. C. 16 Feb. 1669, n. 2318-2469.

(4) S. R. C. 12 Jul. 1664, n. 2137-2284, 3; 13 Jun. 1682, n. 2839-2988, 8; et 18 Jun. 1689, n. 3034-3183, 2.

(5) 5 Maji 1736, n. 3894-4044, ad tit. 8, de off.

(6) Cavalieri tom. 2, dec. 195, V.

(7) S. R. C. 12 Jul. 1664, n. 2137-2284, 3; 18 Junii 1689, n. 3034-3183, 3; 21 Mart. 1795, n. 4315-4464.

ubique omittitur, tam post antiphonas in laudibus, ad *Benedictus* et *Magnificat*, quam alibi in toto officio, quia in decreto 22 Aug. 1693 (1) generaliter dicitur, officium votivum ss. Sacramenti non licere recitare cum *Alleluja* extra tempus paschale, et in decreto 5 Maji 1736 (2) pariter generaliter statuitur, omnia *Alleluja* extra tempus paschale omitti: quamvis igitur in decreto 10 Dec. 1740 (3) tantum decernatur, *Alleluja* omittendum esse post versiculos in matutino, ad *Magnificat* et *Benedictus*, atque post responsoria brevia horarum; inde tamen inferri nequit. *Alleluja* post antiphonas laudum, ad *Benedictus* et *Magnificat* esse retinendum, quia in decreto cit. 10 Dec. 1740 tantum responsum fuit ad petita et nihil ultra; sicut in decreto 11 Jul. 1643 (4) eodem modo responsum fuit, *Alleluja* omittendum esse in responsoriis brevibus horarum, et nihil ultra, quia id tantum petebatur. Verum quidem est, in decreto citato 12 Jul. 1664 præscribi, officium votivum ss. Sacramenti recitandum esse, ut in die solemnitatis, sed hoc intelligendum est de illis, circa quæ decreta S. R. C. aliter non disponunt, ut patet ex decretis allatis. Item in decreto 11 Mart. 1719 (5) quidem disponitur officium votivum ss. Sacramenti dicendum esse cum *Alleluja*; sed ad hoc dici potest, id in casu particulari concessum esse ob consuetudinem aliasque particulares circumstantias (6). Dicendum igitur est, decreta satis clare disponere, *Alleluja* in toto officio ss. Sacramenti omittendum esse. Ita etiam præscribitur in Breviariis cit. Romæ editis.

Not. in officiis votivis non attendi ordinem dignitatis, et vespervas in concurrentia cum alijs ejusdem ritus dividi (7).

(1) N. 3171 3320.

(2) N. 3894-4044, ad tit. de antiph. dub. 6.

(3) N. 3955 4104.

(4) N. 1315 1462, 3.

(5) N. 3775-3923, 2.

(6) Gardellini in indice ad vocem *Alleluja*.

(7) S. R. C. 27 Sept. 1698, n. 3348-3497, 5, et 1 Jul. 1747, n. 4042-4191.

DE OFFICIIS VOTIVIS PER ANNUM, QUÆ PERSOLVERE LOCO OFFICIORUM FERIALIUM INDULTUM EST PER DECRETUM URBIS ET ORBIS, DIEI 5 JULII 1883.

292. *Decretum Urbis et Orbis* (1). — Per apostolicas litteras in forma Brevis die 28 Julii superiore anno editas SS. D. N. Leo Papa XIII, sententiam confirmans specialis Sacrorum Rituum Congregationis a se constitutæ, cum aliquot Sanctorum atque etiam Beatorum officia calendario universalis Ecclesiæ, necnon calendario particulari Urbis addidisset; quo in utroque calendario habeantur sedes liberæ ad nova officia introducenda, Rubricam generalem breviarii romani Tit. X de translatione festorum immutandam præcepit, demptis videlicet translationibus festorum duplicium minorum (exceptis illis Sanctorum Ecclesiæ Doctorum), et festorum semiduplicium. Itaque specialis ipsa congregatio diebus 23 Junii et 2 Julii vertentis anni iterum coadunata est ad perficiendam, juxta præfatam normam, textus Rubricarum correctionem. Nutu autem ejusdem SS. Domini nostri, nonnulla insuper perpendere debuit immutatæ rubricæ consecraria, quæ novam aliquam opportunam dispositionem prorsus requirere censebantur. Compertum quippe est, coarctata translationum serie, superesse quidem, juxta novæ editæ legis finem, sedes quamplures omnino liberæ ad nova officia in calendariis introducenda; interim tamen haud leviter inde augeri onus officiorum ferialium; quod imminuto hodie cleri numero, auctisque aliis ejus oneribus, minime convenire existimatur.

Sacra igitur Congregatio, hisce omnibus maturo examine perpensis, de singulis, si SS. Domino Nostro placuerit, ita decrevit.

I. Detur indultum generale tam capitulis et ecclesiasticorum communitatibus quibuscumque, quam singulis de utroque clero, persolvendi officia votiva per annum loco officiorum ferialium, præterquam in feriis, quarta cinerum, totius tempore Passionis, ac sacri adventus a die 17 ad 24 Decembris

(1) S. R. C. n. 5879.

inclusive : quoad choralem quidem recitationem, de consensu capituli seu communitatis ab Ordinario semel pro semper adprobando; quoad privatam vero recitationem, ad libitum singulorum de clero. Officia autem hujusmodi votiva per annum, missis votivis in missali romano positis fere respondentia, hæc pro singulis hebdomadæ diebus adsignantur, nimirum : pro feria II de Angelis, feria III de sanctis Apostolis (Romæ vero de SS. Petro et Paulo), feria IV de S. Joseph sponso B. M. V., catholicæ ecclesiæ patrono, feria V de sanctissimo Eucharistiæ Sacramento; feria VI de Passione Domini Nostri Jesu Christi; Sabbatho de Immaculata B. M. V. Conceptione. Officia ipsa a sacrorum rituum congregatione adprobanda erunt et edenda. Firmis remanentibus aliis votivorum officiorum indultis quibuscunque jam concessis.

II. Festa commemorationis S. Pauli...

III. De festo SS. Apostolorum...

Facta autem de præmissis per infra scriptum Secretarium Sanctissimo Domino Nostro Leoni Papæ XIII fideli relatione, Sanctitas sua hoc sacræ ipsius congregationis decretum, indulgendo singula in eo contenta, in omnibus adprobavit et confirmavit, atque evulgari jussit. Die 5 ejusdem mensis Julii et anni 1883.

D. CARDINALIS BARTOLINIUS S. R. C., *præfectus*.
LAURENTIUS SALVATI S. R. C., *secretarius*.

RUBRICÆ OFFICIIS VOTIVIS PER ANNUM PRÆFIXÆ.

Officia hæc votiva per annum ritu semiduplici pro singulis hebdomadæ feriis, a Summo Pontifice Leone XIII per decretum Urbis et Orbis Sacrorum Rituum Congregationis die 5 Julii 1883 generali indulto concessa, persolvi possunt, juxta idem indultum, loco officiorum ferialium occurrentium, quocumque anni tempore; exceptis feria IV cinerum, feriis totius temporis Passionis, ac Sacri Adventus a die 17 ad 24 Decembris inclusive.

Habent juxta rubricas, prout alia festa semiduplicia novem lectionum, tum commemorationes feriæ et festi simplicis occurrentis, tum nonam lectionem de homilia super evangelium ejusdem feriæ, aut de Sancto. Adduntur commemorationes communes, seu suffragia Sanctorum, ut in psalterio, si faciendæ sint; omissa commemoratione ejus, de quo fit officium votivum. Si die præcedenti aut sequenti occurrat officium aliud quodcumque novem lectionum, vespere officii votivi currentis ordinandæ erunt juxta Rubricam de Concurrentia officii.

RUBRICÆ MISSIS VOTIVIS PER ANNUM PRÆFIXÆ.

Hæ Missæ celebrantur diebus singulis adsignatis juxta Apostolicum indultum generale per decretum Sacrorum Rituum Congregationis de 5 Julii 1883. Secunda et tertia oratio erunt ut in semiduplicibus pro diversitate temporis. Fient quoque commemorationes de simplici, ac de feria cum ejus evangelio in fine missæ, prout de iis actum est in respondente officio votivo per annum, juxta Rubricas missalis. Dicitur Gloria, et omittitur Credo.

Quibus diebus licet recitare officia votiva per annum a Summo Pontifice Leone XIII per decretum Urbis et Orbis S. R. C. die 5 Julii 1883 generali indulto concessa?

R. Officia hæc votiva persolvi possunt loco officiorum ferialium occurrentium (quo nomine etiam intelliguntur officia alicujus festi simplicis (1), et Vigilæ alicujus sancti) (2), quocumque anni tempore, exceptis feria IV cinerum, feriis totius temporis Passionis, ac Sacri Adventus a die 17 ad 24 Decembris inclusive. Excipitur etiam feria sexta post octavam Ascensionis (3).

(1) S. R. C. Decret. 24 Nov. 1883, n. 5896 ad III.

(2) S. R. C. 16 Jan. 1885, n. 5932 ad I.

(3) S. R. C. 29 Apr. 1887, n. 5983 ad I.

Quibus ad libitum licet hæc officia recitare, quibus vero non?

R. Quoad privatam recitationem ii tantum liberi sunt, qui nullo canonico titulo ad chorum tenentur; qui vero ad chorum tenentur, statuta, de consensu capituli seu communitatis ab Ordinario adprobato, recitatione officii votivi, debent non tantum in choro, sed etiam in privata recitatione officia votiva recitare; nec semel statuta de consensu capituli seu communitatis ab Ordinario adprobato officiorum votivorum acceptatione, unquam licet ab ea acceptatione recedere; nec etiam licet indultum ita acceptare, ut quibusdam anni diebus de feria, aliis vero de votivis officiis in choralis recitatione agi valeat (1).

Si ante decretum 5 Julii 1883 jam fuerat speciali privilegio alicui diocesi concessum, ut in quibusdam ferialibus diebus recitarentur officia votiva, ut in diocesi Mechliniensi officia votiva de SS. Sacramento et de I. Conceptione B. M. V., manet adhuc obligatio hæc officia votiva recitandi, et non datur in istis diebus optio inter officium feriale et officium votivum, sed datur optio diebus contentis in nova indulto 5 Julii 1883, in alio præcedenti exceptis (2).

Quo ritu et modo persolvenda sunt hæc officia votiva?

R. Ritu semiduplici, et habent juxta rubricas prout alia festa semiduplicia novem lectionum, tum commemorationes feriæ et festi simplicis occurrentis, tum nonam lectionem de homilia super evangelium ejusdem feriæ aut de Sancto. Adduntur commemorationes seu suffragia Sanctorum, ut in psalterio, si faciendæ sint, omissa commemoratione ejus, de quo fit officium votivum. Notandum vero quod in officio votivo omnium Apostolorum omitti non debet in suffragiis commemoratio Apostolorum Petri et Pauli (3).

Commemoratio vero de cruce, quæ dicitur tempore paschali (loco suffragiorum de sanctis) omitti debet, quando fit

(1) S. R. C. Decret. 10 Nov. 1883, n. 5895.

(2) S. R. C. Decret. 24 Nov. 1883, n. 5896, ad I.

(3) S. R. C. Decret. 24 Nov. 1883, n. 5896, ad VII.

officium votivum de Passione (1); et in officio votivo Sanctorum Angelorum omittitur commemoratio sancti Michaelis Archangeli in iis locis, ubi sanctus Archangelus est titularis ecclesiae (2).

Si die præcedenti aut sequenti occurrat officium aliud quodcumque novem lectionum, vespere officii votivi currentis ordinandæ sunt juxta rubricam de *Concurrentia officii*. Et ita si officium votivum cum alio item votivo, vel cum alio semiduplici concurrat, hoc in casu vespere juxta rubricam generalem tit. XI, n. 4, semper dicendæ sunt a capitulo de sequenti, cum commemoratione præcedentis, non habita ratione dignitatis unius officii votivi præ alio. Attamen cum officium votivum SS. Sacramenti concurrat cum officio de Passione D. N. J. C., totum fit de præcedenti, nihil de sequenti (3).

Cum festum SS. Apostolorum Simonis et Judæ die 28 Octobris incidat in feriam secundam, et si feria tertia sequenti recitari contingat officium votivum de Apostolis, pro commemoratione hujus officii votivi sumatur oratio pro aliquibus locis die 29 Junii, scilicet: "Deus, qui nos Beatorum Apostolorum commemoratione lætificas; præsta quæsumus, ut quorum gaudemus meritis, instruamur exemplis. Per Dominum" (4).

Tempore paschali in officiis votivis, etiam in officio Passionis est addenda *Alleluia*, et servanda sunt ejusdem temporis propria (5).

OFFICIUM SANCTI CUM SOCIIS,

293. Rubricæ post tabellam concurrentiæ. *Si occurrat, ut Patronus vel Titulus Ecclesie descriptis sit eodem*

(1) S. R. C. Decret. Emeriten. 29 April 1887, n. 5983, ad III.

(2) S. R. C. Decret. 14 Maji 1887, n. 5985, ad I.

(3) S. R. C. Decret. 24 Nov. 1883, n. 5896, ad IV.

(4) Idem decret. ad V.

(5) Idem decret. ad II.

die in Calendario cum aliis Sanctis, in ea Ecclesia fit tantum de Patrono, vel Titulari. Alii si in dicto Calendario descripti sint sub officio Duplici minori, non tamen alicujus Ecclesie Doctoris, vel semiduplici, de eis nihil fit. Si autem sint de Majoribus Festis aut Doctorum, transferuntur, ita ut de translato fiat Officium ac si proprio die celebraretur. Si vero in Calendario omnes sint tamquam Festum simplex, etiam de illis nihil fit.

Principalis patronus vel titularis, qui cum aliis sanctis sub uno officio in breviario conjunctus est, separandus est a sociis, et de eo solo recitandum officium absque commemoratione aliorum; nisi illi sancti per se et natura rei conjuncti sint, et eodem die in calendario descripti; in quo casu non sunt separandi, et officium de omnibus sub eodem ritu recitandum est (1).

Si patronus ab aliis separandus sit, tunc si aliter omnes simul celebrentur sub ritu simplici, semiduplici, vel duplici minori (non tamen ecclesie doctoris), officium fit de solo patrono vel titulari, et nihil de sociis. Si autem in breviario sub ritu duplici saltem majori, vel etiam minori, si sint ecclesie doctorum, descripti fuerint; socii separati transferuntur, ita ut de translato fiat officium, ac si proprio die celebraretur, ut fieri potest de ss. Philippo et Jacobo, et de ss. Simeone et Juda, quo casu de Apostolo separato fit sub ritu duplici 2 cl. juxta tabellam duplicium 2 cl. (2).

Hoc officium socii aut sociorum transfertur in primam diem non impeditam etiam infra octavam, tanquam in diem fixam, ut dictum est num. 277, nisi in toto anni decursu dies vacuus deficiat ad transferendum officium sociorum, quo casu in festo patroni seu titularis de sociis faciendum est, quod dicitur num. 282 (3).

(1) S. R. C. 11 Aug. 1877, n. 5708, p. 2, dub. 1.

(2) Vid. Ephemerides liturgicæ, vol. I, fol. 175.

(3) S. R. C. 9 Ap. 1803, n. 4358-4308, 6.

294. Si autem de uno sociorum vel aliorum, qui sub uno officio in breviario conjuncti sunt, faciendum sit officium duplex non tanquam de patrono seu titulari principali, sed tanquam de patrono seu titulari secundario aut minus principali, vel ratione insignis reliquiæ; eo casu socii non transferuntur, sed omnes eodem officio et ritu, uni vel pluribus sociorum competente, celebrantur, si in breviario ritum duplicem vel semiduplicem habeant: si vero in breviario tantum ritum simplicem habeant, socius qui est patronus, aut cujus habentur reliquiæ, solus celebratur ritu duplici, et reliqui ritu simplici cum nona lectione propria, si commode disjungi queat, et commemoratione in primis vesperis, laudibus et missa; nisi sancti eodem officio juncti sint per se et ex natura rei, uti fratres, etc., tunc enim omnes, etsi dumtaxat ritu simplici in breviario gaudeant, simul eodem officio et ritu celebrandi sunt (1).

Quomodo officium patroni et sociorum seorsum fiat, vide num. 247; quæ enim ibi dicuntur de patrono seu titulari ab aliis separato, vicissim applicanda sunt sociis seu aliis a patrono separatis.

DE FESTIS, QUORUM SOLEMNITATES IN DOMINICAM
TRANSFERUNTUR.

295. Juxta indultum pro reductione festorum 9 Ap. 1802, in universo Galliarum reipublicæ territorio, prout tunc erat, festa « epiphaniæ Domini, ss. Corporis Christi, ss. apostolorum Petri et Pauli, et sanctorum patronorum cujuslibet » diœcesis et paræciæ in dominica proxime occurrente in » omnibus ecclesiis celebrabuntur (2). »

(1) S. R. C. 16 Dec. 1606, n. 187-334; 16 Jan. 1677, n. 2660-2812, 2; 8 Mart. 1704, n. 3528-3677, 1; 16 Sept. 1730, n. 3841-3991, 1; 11 Jan. 1749, n. 4049-4198, 5; 2 Maji 1801, n. 4325-4474, 9; 11 Aug. 1877, n. 5708, p. 2, dub. 1; Merati sect. 3, c. X, n. VIII; Cavalieri tom. 1, cap. V, dec. IV, in ordine 65 et seq. in dec. cit.

(2) In collect. ep. past. diœc. Mechl. tom. 1, p. 45.

Cum occasione hujus indulti variæ exortæ essent difficultates, Emus Cardinalis Legatus a Latere aliud dedit decretum 21 Junii 1804, quod licet specialiter directum sit ad Vicarium Generalem Archiepiscopi Mechl. qui super hoc indulto explanationem efflagitaverat, ut generalis tamen regula in toto reipublicæ territorio habendum est ex dec. 29 Nov. 1831 (1), quo ita servari Sanctitas Sua mandavit omnibus in locis et diœcesibus, quæ indultum super reductione festorum per Emum Cardinalem Caprara Legatum a Latere extenditur. In hoc decreto habetur:

« 1° Officia epiphaniæ Domini, ss. Corporis Christi, » ss. apostolorum Petri et Pauli, et s. patronorum cujuslibet » diœcesis et paræciæ recitanda erunt a clero tam privatim » quam publice in ecclesiis, et missa de eisdem festis dicenda » in proprio suo die. »

« 2° Sola solemnitas præfatorum festorum differetur in » dominicam subsequentem, in qua officium quidem a clero » tam publice quam privatim, et missa recitabitur juxta » rubricas occurrentes, seu juxta consuetum ordinem; cane- » tur tamen una missa solemnitas de festo illo more votivo » cum unica oratione: minime omissa in cathedralibus » aliisve ecclesiis, in quibus officium publice agatur, et adsit » sufficiens numerus ecclesiasticorum, altera missa conven- » tuali de festo occurrente » (2).

296. Quomodo intelligenda sunt in indulto hæc verba: *Patronorum cujuslibet diœcesis et paræciæ?*

R. 1° Intelligenda sunt non copulative sed disjunctive, id est: ubi habetur proprius loci patronus, hujus tantum solemnitas transfertur in dominicam; ubi autem proprius loci patronus non habetur, solemnitas patroni diœcesis transfertur in dominicam. Verba ita intelligenda esse, clare probatur ex decretis S. R. C. (3), ex quibus aliisque pluribus

(1) N. 4522-4671.

(2) In collect. ep. past. diœc. Mechl. tom. 1, p. 128.

(3) 20 Dec. 1659, n. 1871-2018, 2; 20 Sept. 1806, n. 4351-4501, 1; 27 Mart. 1824, n. 4455-4605, et in not. 20 Mart. 1869, n. 5436; 29 Nov. 1878, n. 5751, ad I.